



REGIONE AUTONOMA DI LA SARDIGNA  
REGIONE AUTONOMA DELLA SARDEGNA

LU PRESIDENTI



Prughjettu "EU FAÉDDHU  
GADDHURÉSU" finanziatu da la L.  
482/1999, altt. 9 e 15 e L.R. 22/2018 –  
annualitai 2021

Prot. n.111

### ULDINANZA N.1 DI LA DÍ 5 DI GHJINNAGGHJU DI LU 2022

**Ugghjettu:** Misuri straudinari urgenti di disaffiu e priidènzia di lu spaglimentu di l'eppidemia da COVID-19 illu tarratòriu regionale di la Saldigna. Uldinanza a li sensi di l'alt. 32, comma 3, di la legghji di la dí 23 di Natali di lu 1978, n.833 in materia di igieni e sanитай pubblica – Suspinsioni di l'attivitai didàttichi pa' lu per lu sbuliamentu di attivitai straudinari di screening della pupulazioni di la scola di ugna oldini e gradu.

#### LU PRESIDENTI

- VISTU l'alt.32 di la Custituzioni;
- VISTU lu Statutu Speciali pa' la Saldigna e li relativi legghji di rializzazioni;
- VISTA la legghji regionali di la dí 7 di Ghjinnaghju di lu 1977, n.1 chi dici "*Legghji innant'a l'organizzazioni amministrativa di la Regione Salda e innant'a li cumpitenzi di la Ghjunta, di la Presidènzia e di l'Assessorati regionali*";
- VISTA la legghji di la dí 23 di Natali di lu 1978, n.833 "*Istituzioni di lu silvíziu sanitàriu nazionali*" e in palticulari l'alt. 32 chi disponi "*lu Ministru di la sanитай pò emittí uldinanzi di caratteri cuntinenti e urgenti, in materia di igieni e sanитай pubblica e di pulizzia vittirinàriu, cu' efficàzia estesa indrentu a lu tarratòriu o in palti di iddhu chi cumprendi più regioni*", no solu "*illi mattessi materi so emissi da l presidenti di la ghjunta regionali e da lu sindacu uldinanzi di caratteri cuntinenti e urgenti, cun efficàzia estesa a la mattessi manera a la regioni o a palti di lu so' tarratòriu chi cumprendi più comuni e a lu tarratòriu comunali*";
- VISTA la dichjarazioni di l'Organizzazioni mundiali di la sanитай di la dí 30 di Ghjinnaghju di lu 2020 cun la cali l'eppidemia da COVID-19 è stata valutata comu un'emergenza di sanитай pubblica di rileanza internazionali;



REGIONE AUTONOMA DI LA SARDIGNA  
REGIONE AUTONOMA DELLA SARDEGNA

LU PRESIDENTI

- VISTA la sighbenti dichjjarazioni di l'Organizzazioni mundiali di la sanitai di la dí 11 di malzu di lu 2020 cun la cali l'epidemia da COVID-19 è stata valutata comu «pandemia» in considerazioni a li livelli di diffusivita e graitai ragghjunti a livellu globali;
- VISTA la dilibbara di lu Considdhu di li Ministri di la dí 31 di Ghjinnaghju di lu 2020 chi dici *“Dichjjarazioni di lu statu di emergenza in cunsichènzia a lu rischju sanitàriu connessu a l'insorgenza di patologii chi venini da agenti virali chi si poni trasmittt”*;
- VISTU lu decretu di legghji n.221 di la dí 24 di Natali di lu 2021 chi polta la *proroga di lu statu di emergenza nazionali e alti misuri pa' lu cuntinimentu di la diffusioni di l'epidemia da COVID-19* – cunsidiratu lu rischju sanitàriu aunitu a lu protraissi di la diffusioni di l'agenti virali da COVID-19- lu statu di emergenza dichjaratu cun la dilibbarazioni di lu Cusiddhu di li Ministri di la dí 31 di Ghjinnaghju di lu 2020 è statu dilattatu ancora finz'a la dí 31 di Malzu di lu 2022;
- VISTU lu Decretu Legghji di la dí 18 di Natali di lu 2020 n.172, cambiatu cun L.29.01.2021 n.6;
- VISTU lu Decretu Legghji di la dí 14 di Ghjinnaghju di lu 2021, n.2, cambiatu cun L.12.03.2021 n.29;
- VISTU lu Decretu Legghji di la dí 13 di Malzu di lu 2021 n.30, cambiatu cun modificazioni da la L.6.05.2021 n.61;
- VISTU lu Decretu Legghji di la dí 1 di Abbrili di lu 2021, n.44, cambiatu cun modificazioni da la L.28.05.2021 n.76;
- VISTU lu Decretu Legghji di la dí 22 di Abbrili di lu 2021, n.52 cambiatu cun modificazioni da la L.17.06.2021 n.87;
- VISTU lu Decretu Legghji di la dí 25 di magghju di lu 2021 n.73 cambiatu cun modificazioni da la L.23.07.2021 n.106;
- VISTU il Decretu Legghji di la dí 23 di Agliola di lu 2021 n.105 cambiatu cun modificazioni da la L.13.09.2021, n.126;
- VISTU lu Decretu Legghji di la dí di Austu di lu 2021 n.111 cambiatu cun modificazioni da la L.24.09.2021, n.133;
- VISTU lu Decretu Legghji di la dí 21 di Capidannu di lu 2021, n.127 cambiatu cun modificazioni da la L.19.11.2021 n.165;
- VISTU lu Decretu Legghji di la dí 8 di Santigaini di lu 2021, n.139 cambiatu cun modificazioni da la L.03.12.2021 n.205;



REGIONE AUTONOMA DI LA SARDIGNA  
REGIONE AUTONOMA DELLA SARDEGNA

LU PRESIDENTI

- VISTU lu Decretu Legghji di la dí di Santandria di lu2021 n.172;
- VISTU lu Decretu Legghji di la dí 30 di Natali di lu 2021 n.229;
- VISTU lu Decretu di lu Presidenti di lu Considdhu di li Ministri di la dí 2 di Malzu di lu 2021;
- VISTU lu Decretu di lu Presidenti di lu Cunsiddhu di li Ministri di la 17 di Làmpata di lu 2021;
- VISTU lu Decretu di lu Presidenti di lu Cunsiddhu di li Ministri di la dí 10 di Capidannu di lu 2021;
- VISTU lu Decretu di lu Presidenti di lu Cunsiddhu di li Ministri di la dí 12 di Santigaini di lu 2021;
- VISTO lu Decretu di lu Presidenti di lu Cunsiddhu di li Ministri di la dí 17 di Natkli di lu 2021;
- VISTI li Dilibbari di lu Cusiddhu di li Ministri di la dí 29 di Agliola di la dí 7 di Santigaini 2020;
- VISTI li Dilibbari di lu Cunsiddhu di li Ministri di la dí di Ghjinnaghju e di la dí di Abbrili di lu 2021;
- VISTE l'Uldinanzi di lu Ministériu di lu Salutu emanati ill'annu 2021 e, illu specificu, in data 9,16 e 30 di Ghjinnaghju, 12,13, 14 e 27 di Friaghju, 5 di Malzu, 23 di Abbrili, 8,14 e 30 di Magghju, 2,4,8 e 22 di Làmpata, 2 e 29 di Agliola, 27,28 e 30 di Austu, 28 di Capidannu, 22 e 28 di Santigaini, 26 di Santandria di lu 2021, 2 e 14 di Natali di lu 2021, chi poltani *misuri ulgenti in materia di cuntinimentu e gistioni di l'emergenza epimeologica da COVID-19*;
- VISTI li Cilculari di la Direzioni Generali di la Privinzioni Sanitària di lu Ministériu di lu Salutu:
- n.36254 di la dí 11 di Austu di lu 2021, chi polta "*Aggiornamento innant'a li misuri di carantina e di isolamentu raccumandati a la luci di la circolazioni di la varianti noi di SARS-CoV-2 in Italia e in palticulari di la diffusioni di la varianti Dentla (lignaggio B.1.617.2)*";
  - n.55819 di la dí 3 di Natali di lu 2021, chi polta "*Stima di la magghjoritari di li varianti VOC (Variant Of Concern) in Italia: beta, gamma, delta, omicron e altu varianti di SARS-CoV-2*";
  - n.60136 di la dí 30 di Natali di lu 2021, chi polta "*Aggiornamentu innant'a li misuri di carantina e isolamentu dapoi di la diffusioni a livellu globali di la variante noa (B.1.1.529)*";
- PRESU ATTU di lu Rappoltu n.84 di Monitoraggio Fase 2 di li Ministériu di lu Salutu, Istitutu Superiori di Sanitai e Cabina di Regia, chi polta li dati di calculu di l'indicatori priisti da lu DM d la dí 30 di Abbrili di lu 2020 relativamenti a la chita 13/12/2021-



REGIONE AUTONOMA DI LA SALDIGNA  
REGIONE AUTONOMA DELLA SARDEGNA

LU PRESIDENTI

19/12/2021 (aggiornati a la dí 21/12/2021), chi à classificatu la Saldigna comu regioni a valutazioni di la probabilitai Moderata, cun classificazioni complessiva di lu rischiu Moderata - Rt: 1.17 (CI: 0.92-1.32) [mediu 14gg] –, cun n.1 segnalazioni di Allerta relativa a la resilienza di li silvizi sanitari tarratoriali (duuta a lu trend in aumentu di l'indicatori 2.1 calculatu in base a li noi tamponi positivi illa chita di riferimentu);

PRESU ATTU di lu Rappoltu n.85 di Monitoraggio Fase 2 di lu Ministériu di lu Salutu, Istitutu Superiori di Sanità e Cabina di Regia, chi polta li dati di calculu di l'indicatori priisti da lu DM di la dí 30 di Abbrili di lu 2020 relativamente a la chita 20/12/2021-26/12/2021 (aggiornati a la dí 28/12/2021), chi cunfelma la valutazioni di lu report di innanzi e ripolta un nùmmaru di casi cun data prelievo/diagnosi illa chita di riferimentu uguali a 1959 | Incidenza: 122.57 pa' 100.000 , con Rt: 1.2 (CI: 1.1-1.34) [mediu 14gg] sempri in aumentu;

DATU ATTU chi da l'anàlisi di li dati di lu "*Ghjettu infulmativu relativu a li determinazioni di laboratorio covid-19*" chi rigalda tutti li determinazioni fatti da li strutturi, pubblici e priati di lu SSR, veni a la luci chi la percentuale di positività agattata dapo di determinazioni biomolecolari e antigenichi rappidi faci idè un aumentu custanti da la dí 1° di Natali di lu 2021 in tutti li fasci d'etai, in palticulari illi fasci 0-11 e 12-17 cun dui picchi chi corrispondini a lu periodo di li festi di Pasca di Natali e Capuannu;

DATU ATTU chi lu mattessi andamentu, puru siddhu no stratificatu pa' fasci d'etai, è rileatu illi intrati illu Pronto Soccorso di li uspidali regionali pa' prublemi respiradori e sospetti casi SARS-CoV-2;

DATU ATTU chi da l'anàlisi di li casi noi registrati illa piattaforma regionali di gistioni di lu SARS-CoV-2, li dati aggiornati a la dí 5 di Ghjannaghju facini idè chi li classi d'etai più intrissati da lu criscimentu di li casi noi so, appuntu: li fasci 6-11 anni, 19-30 anni, 12-14 anni e 15-18 anni cun un criscimentu a paltí da la sigunda mitai di lu mesi di Natali;

DATU ATTU chi, in Regione Saldigna, da la dí 16 di Natali di lu 2021 sò stati avviati ancora li vaccinazioni pediatrichi pa' la fascia di etai 5-11 anni e chi a la dí 3 di Ghjinnaghju di lu 2022 risultani sumministrati più di 8.600 primmi dosi di lu vaccinu in chista fascia d'etai e chi, in tuttu, illa fascia d'etai 5-17 anni so stati sumministrati più di 77.000 primmi dosi di vaccino cu' più di 61.000 passoni chi ani riiciutu puru la sigunda dose;

CUNSIDARATU chi l'andamentu di abali di la situazioni epidemiologica vidi:

- l'aggravamentu di li cuntagghji, cun l'aumentu cunstanti di l'incidenza illa chita;
- la velocitai di trasmissioni si dè mantinè innantu a la soglia eppidemica;



REGIONE AUTONOMA DI LA SALDIGNA  
REGIONE AUTONOMA DELLA SARDEGNA

LU PRESIDENTI

- assistassi innantu a la soglia epidemica l'Rt calculatu solamenti innantu a li casi ospitalizzati a livello nazionali, cun un cuntinuu aumentu di lu nùmmaru di passoni riccoverati illi reparti di li 'spidali di area medica e terapia intensiva;

CUNSIDARATU lu sviluppassi di la situazioni epidemologica, lu carattere palticularmenti diffusivu di l'epidemia e l'andamentu di li casi illu restu di lu tarrattòriu nazionali;

CUNSIDARATU chi li mannuri sovranazionali di lu fanomanu epidemicu e l'interassantu di più cuntesti illu tarrattòriu nazionali rendini necessari misuri pa' garantí la rializzazioni di li programmi di profilassi elaborati in sede nazionali, internazionali e europea, graduendi li misuri in base a la specificitai di lu cuntestu tarrattoriali intrissatu, illu rispettu di li principi di tinnu, proporzionalitai e di cunfulmitai a lu rischju veramenti presenti illu tarrattòriu regionali;

ATTESU chi la Struttura Organizzativa Governativa attinenti a lu Cummissariu Strauldinarioupa' l'emergenza Covid à programmatu una campagna Nazionali di Screening illi scoli pa' li ciurrati di 8 e 9 di Ghjinnaghju di lu 2022;

VISTA la dilibbarazioni di la Ghjiunta Regionali n.28/16 di la dí 15 di Agliola di lu 2021, chi dici "*Ditilminazioni di lu calindàriu di la scola pa' annualitai 2021/2022 ille Reagione Saldigna*";

DATU ATTU chi lu calindàriu appruatu cun la ghjà ditta dilibbarazioni, priidi, in rilazione a l'asilo nido, a la scola elementare e alla scola media e supiori, la suspinsioni di l'attivitai didàttichi, in occasioni di li festi di Natali, da la dí 23 di Natali di lu 2021 a la dí 6 di Ghjinnaghju di lu 2022, dizzindendini lu regulari sbuliamentu illi ciurrati 7 e 8 di Ghjinnaghju di lu 2022;

RITINUTU chi, a la luci di primissi di supra, esistini seufficienti rasgioni di emergenza sanitària pa' mantinè chjusi li scoli di ughna oldini e gradu illi ciurrati 7 e 8 di Ghjinnaghju, priidendi la regulari ripresa di l'attivitai didàttichi la dí 10 di Ghjinnaghju di lu 2022 in modu cussì di faurí, illi mattessi ciurrati, l'àitu a li vaccinazioni da palti di li sculati, lu completamentu di l'attivitai di galdia e la attivazioni di una campagna di screening miriatu a tutti li studianti, pal mezu di test a alta spificitai e sensibilitai, da punissi in pràtticacun l'Aziendo Socio-Sanitari Locli di la regione Autonoma di la saldigna, cun lu culdinamentu di COR.SA e in raccoldu cun li team operativi di lu Cummissariu Staruldinariu pa' l'emergenza Covid\_19, cun l'Anci Saldigna e cun l'Ufficiu Scolasticu Regionali;

DATU ATTU di l'autoritai primari dati a la cumpitènzia regionale da lla Legghji Custituzionali di la dí 26 di Friaghju di lu 1948, n.3;

ATTESU chi riintra illi cumpitenzi primari di la Regione Autonoma di la Saldigna riferiti a li matteri riposti a la proppia autoritai legislativa e amministrativa, pa' iddha, spetta a lu Presidenti di la Regione Autonoma di la Saldigna, puru in calitai di Autoriati



REGIONE AUTONOMA DI LA SALDIGNA  
REGIONE AUTONOMA DELLA SARDEGNA

LU PRESIDENTI

Sanitària Regionale no solu sughjettu attuadori di l'intilventi di cui a l' OCDPC 630/2020, valutà e pundarà l'intilventi necessari pa' la tutela di lu salutu publicu;

VALUTATA appiù, l'ulgènzia di adattà a l'ancoracambiati cundizioni eppidemiogichi locali li misuri strauldinari a tutela di lu salutu di li zittadini saldi pa' privinzioni e lu cuntinimentu di lu spagliamentu illu tarràtoriu di la Regione Saldigna di lu COVID-19, a li sensi di l'alt. 32 di la legghji di la dí 23 di Natali di lu 1978, n.833 in materia di igieni e sanitai;

APPUDARATI li pareri a faori di lu Direttori generale di la Presidènzia, di lu Direttori Generali di la Sanitai, di lu Direttori generale di la Pubblica Fulmazioni.

### ULDINIGGHJIA

Alt.1) L'attivitai didàttichi illi scoli di ugna oldini e gradu di la Regione Autonoma di la Saldigna so suspesi pa' li ciurrati 7 e 8 di Ghjinnaghju di lu 2022. Li mattessi riprendarani lu so' rigulari sbuliamentu, salvu diffarenti ditilminazioni noi, a cumincià da la dí 10 di Ghjinnaghju di lu 2022;

Alt.2) L'Aziendi Socio-Sanitari Locali di la Regioni Autonoma di la Saldigna, illi tarratori di rispettiva cumpitènzia, deni curà l'olganizzazioni di una campagna di screening miriatu a li studianti pal mezu di test a alta spificicitai e sensibilitai, da punissi in pràttica cun l'Azienda Socio-Sanitari Locali di la regione Autonoma di la Saldigna, cun lu culdinamentu di COR.SA e in raccoldu cun li team operativi di lu Cummissariu Strauldinariu pa' l'emergenza Covid\_19, cun l'Anci Saldigna e cun l'Ufficiu Scolasticu Regionali;

Alt. 3) Chista uldinanza è trasmessa a lu Presidenti di lu Cunsiddhu di li Ministri, a lu Ministru di lu Salutu, a li prefetti di l'Uffici tarratoriali di governo di a Saldigna, a l'Assessori regionali, a l'Ufficiu Scolasticu regionali di la Saldigna, a l'Aziendi Socio-Sanitari Locali (AA.SS.LL) di la Saldigna, a l'amministradori strauldinari di li Pruinci, a lu Sindacu di la Città metropolitana di Cagliari, a li Sindaci di li Comuni di la Saaldigna, a l'ANCI Saldigna.

Chista uldinanza è printamenti efficaci e è pubblicata illu situ istituzionali di la Regione e illu B.U.R.A.S. La pubblicazioni à valori di notifica individuali, a tutti l'effetti di legghji, illi cunfronti di tutti li sughjetti misciati.

Contru chista uldinanza è ammissu lu ricossu giurisdizionali addananzi a lu Tribunali Amministrativu Regionali illu telmini di sessanta dí da la comunicazioni, oververusia ricossu strauldinariu a lu Capu di lu Statu entru lu telmini di centuvinti dí.



**REGIONE AUTONOMA DI LA SARDIGNA  
REGIONE AUTONOMA DELLA SARDEGNA**

LU PRESIDENTI

**Christian Solinas**



CHRISTIAN SOLINAS  
REGIONE AUTONOMA  
DELLA SARDEGNA -  
SISTEMA REGIONE  
05.01.2022 21:39:44  
UTC